

PM beri amaran ambil tindakan tegas pihak kaitkannya dengan Israel, keluar kenyataan biadap

Oleh Suzalina Halid dan Farah Marshita Abdul Patah
bhnews@bh.com.my

Kuala Lumpur: Datuk Seri Anwar Ibrahim memberi amaran akan mengambil tindakan tegas terhadap mana-mana pihak yang mengaitkannya dengan Israel serta mengeluarkan kenyataan biadap, dan melanggar tatasusila.

Sambil menunjukkan gambarnya yang berlatar belakang bendera Israel dalam sebuah

artikel *Harakah*, Perdana Menteri mengetengahkan isu itu dalam sesi Waktu Pertanyaan Menteri di Dewan Rakyat, semalam.

“Dengar ya, supaya Ketua Dewan Ulama (PAS) gunakan *Harakah* mengaitkan saya dengan Israel. Itu kenyataan biadap yang langgar tatasusila.

“Fitnah guna serban tak sah. Saya bantah sekerasnya kalau diulang saya akan ambil tindakan keras terhadap sesiapa yang menggunakannya.

“Ini saya sebut membina mahligai atas pusara orang mati dan kita kerja setiap hari minta OIC (Pertubuhan Kerjasama Islam) adakan sidang bawa Russia, China, Brazil, Ireland, Bolivia, bincang dengan Jepun, Netherlands (Belanda) dan minggu ini dengan Naib Presiden China, tetapi sewenangnyanya berikan hukuman biadap dan kurang ajar,” katanya.

National 3